

## **Нажот топувчи фирмә...**

16:33 / 27.04.2016 2820

Мұхтарам мажлис аъзоларидан Набий соллаллоҳу алайҳи васалламнинг ҳадисларида зикр қилингандай нажот топувчи фирмә масаласини очиқ-ойдин шарҳ қилиб беришларини илтимос қиласыз.

Чунки бу ерларда мусулмонлар баъзи тоифадаги одамларнинг ўз тоифаси нажот топувчи фирмә эканини даъво қилишлари туфайли фитнага учрамоқдалар. Улар бошқа мусулмонларни ҳалокаттаға учраганлар дейишишмоқда.

Бу фитна кенг тарқалиб бормоқда. Шубҳа йўқки, бу борада мажлиснинг баёноти ўзига яраша қийматга ва вазнга эга бўлади.

Жавоб: Бу ерда қуйидаги ҳадис қасд қилинмоқда:

Абу Ҳурайра розияллоҳу анҳудан ривоят қилинади: «Пайғамбар соллаллоҳу алайҳи васаллам: **«Яҳудийлар етмиш бир ёки етмиш икки фирмәга бўлиндилар, Насоролар етмиш ёки етмиш икки фирмәга бўлиндилар, Менинг умматим эса етмиш уч фирмәга бўлинади»**», дедилар.

Бошқа бир ривоятда: **«етмиш иккитаси дўзахда, биттаси жаннатда, у жамоатдир»** ибораси зиёда қилингандай. Ушбу уч ҳадисни Абу Довуд ва Термизий ривоят қилган.

Шу маънода бошқа йўллар билан ривоят қилингандай ҳадислар ҳам бор.

Уларнинг баъзисида фирмә дейилса, бошқасида миллат дейилган. Баъзиларида эса «етмиш иккитаси дўзахда, биттаси жаннатда» жумласи зикр қилинмаган.

Ҳадис уламолари бу ҳадиснинг саҳих ёки саҳих эмаслиги ҳақида ихтилоф қилишган. Бизнинг жавобимиз уни саҳих деб билганлар мазҳаби асосида бўлади.

Ҳадисда тафриқага тушадиган фирмәлар сони зикр қилингандай. Лекни улардан бирортасининг номи тайин қилинмаган.

Набий соллаллоҳу алайҳи васаллам мазкур фирмәларнинг барчасини менинг умматим, деганлар. Шундан Набий соллаллоҳу алайҳи васаллам ўзларидан кейин ихилоғга тушмасликка ва жамоат билан бирга бўлишга тарғиб қилганлари кўриниб турибди.

Шунинг учун ҳам «етмиш иккитаси дўзахда, биттаси жаннатда» деган огоҳлантириш келмоқда. Мусулмонлардан бири қиладиган номақбул амаллари учун дўзахга тушиши ваъда қилиниши унинг у ерда кофириларга

ўхшаб абадий қолишини англатмайди. Балки, унга баъзи гуноҳкор мугаҳидлар киргани каби кирадилар.

Сўнгра уларга анбиё, фаришта ёки баъзи мўминлар шафоат қиласди. Ёхуд яхши амаллари, учраган мусибатлари каффорот бўлиб, уларни азобдан сақлаб қолади.

Аллоҳ таолонинг Ўзи фазли карами ила мағфират қилиб юбориши ҳам бор. Хусусан, агар улар ҳақ йўлни билиш учун қўлидан келганича ҳаракат қиласуриб адашиб қолган бўлсалар.

Шунингдек, Аллоҳ таоло бу умматдан хато, унутиш ва мажбурланишни кечириб қўйган.

Мусулмон тоифалардан муайян бир тоифанинг дўзахга тушишини айтиш жоиз эмас. Чунки ҳадисда ҳеч бир тоифа тайин қилинмаган.

Шунингдек, маълум бир тоифани қиёмат куни нажот топади, деб тайин қилиб ҳам бўлмайди.

Мусулмонлар қилиши лозим бўлган нарса тафриқачилик ва ихтилофга сабаб бўладиган нарсалардан узоқ бўлишдир.

Аллоҳ таоло ва Расулуллоҳ соллаллоҳу алайҳи васаллам амр қилганларидек биродар бўлмоқларидир. Аллоҳнинг китоби ва Набий соллаллоҳу алайҳи васалламнинг суннатларидағи ҳақни топишга ҳаракат қилишлари керак. Мусулмонлар оммасига насиҳат қилишлари керак.

Бу ҳадисни мусулмонлар орасида муаммо келтириб чиқаришга ишлатишга ҳеч кимнинг ҳақи йўқ. Қуръон ва суннат таълимотлари очик-ойдин мусулмонлар дўст бўлишлари, ўзаро муҳаббат қилишлари ва насиҳатда бўлишларига чақирган.

Ислом динидаги ушбу қатъий амрни тарк қилиб, мазкур ҳадиснинг нотўғри шарҳига осилиш жоиз эмас.

Аллоҳ таоло: «**Аллоҳга даъват қилган, солиҳ амалларни қилган ва «Албатта мен мусулмонларданман!» деган, кишидан ҳам гўзал сўзли ким бор?!**» деган.

ФАТВО ВА ИЛМИЙ БАҲСЛАР БЎЙИЧА ЕВРОПА МАЖЛИСИ